



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Bonfilius Ord. Serv. B. M. V. 8. Septembris.

urn:nbn:de:hbz:466:1-41940

562 VITÆ SANCTORUM. 8. Sept.
cum hominibus cœnaturum. Non multo pôst in Strigem offendit, audit in cantationibus Philitrudis filio salutem attulisse, invicem ingentia munera abstulisse. Enimverò jubet omnia in prædam egenis cedere, debitaque superstitioni stipendia probra & plagas numerat; mox paratas capiti à Pilitrude insidias effugit, sed non perinde etiam hæc cæli iras. Nam primò filium, mox etiam maritum vitâ videt exturbari. Ipsam longum funus vivumque, captivam; Galli abducunt; exulam dein in Italiam asellus asportat. At CORBINIANI tumulum suis exlaminalibus ornavit, Frisinga pro Aſylo habet. Ex tom. I. Annal. Bojo.

Debemus animo premeditari, quod aliquando futuri sumus, quod, velimus nolimus, abesse longius non potest: nam si nongentos vitæ excederemus annos, tamen nihil esset praeterita longitudo, qua esse desisset. S. Hieron. ep. 3.

S. BONFILIUS ORD. SERV. B. M. V.
8. Septembris.

Quid Roma pileum, quid secundum libertatem vindicias crepas? ego item illos laudo, qui pulchram servitutem sub Mariæ nomine circumferunt. Tu felicissima servitutis cunabula audi. Fuit jam olim nobilis inter cives Florentinos Societas Virginis sacra. Hi dum ex more

8. Sept. VITÆ SANCTORUM. 563
more festum cælo translatæ diem agunt,
BONIFACIUS pars magna & ipse ho-
rum, quinique alii faces subdi pectori
senserunt, quibus, ut se totos Virginis
manciparent, inflammabantur. Nec mo-
ra, vitam opesque veteres cum veste po-
nunt, & novus ipso Natæ Virginis die,
peculiaris eidem coetus enascitur, Artin-
gi primò is loci antistitis, tum Innocent.
IV. Pont. Max auctoritate probatus:
cumque stipem colligentes infantes fa-
cundo miraculo Servos Virginis clami-
tarent, id hodieque scilicet nomen fe-
runt. Jam incrementa ordinis promisit
vitis, quæ sub vernum tempus fata, mox
Dominæ luce (quâ salutatam ab Angelo
colimus) & florem & gemmam adeoque
uvam exhibuit. Sed & vestes servis suis
Deipara obtulit pullas, quibus & Filium
patientem & viduam Matrem lugerent.
BONIFACIO deinde & pileum voce cæ-
lesti evocato testimonium sanctitatis in-
vultu splendor, in toto corpore odor di-
ixerunt, & justa hominibus permixti Cæ-
lites illis verbis cecinerunt; Subvenite
Sancti Dei, & exaudite. Tales exequias
servi Virginis merentur, alias sperate qui
liberti, qui libertini amatis audire. Ex
Ordin ipsius monum.

Considera quanta sit dignitas nostra,
quantaque nobis proportio sit cum Mariâ:
Concepit Maria Christum in carne, deser-
mis & nos illum in mente. Respiciebat Ma-

564 VITÆ SANCTORUM. 9. Sept.
ria Christum, cùm teneris labris lac expri-
meret uberum, reficimus & nos variis bo-
norum deliciis operum. S. Pet. Dain-
serm. 2. de Nativ. B. V.

S. AUDOMARUS EP.
9. Septembris.

Cœpit Audomarus tunc vivere,
cùm desuit mater; quando nimurum
à morte hujus cum patre mori mundo
inter Ascetas occipit. Jucundum credo
videre cælo erat, patrem unam & filium
in eâdem virtutis scholâ discere, mita-
culo eò majori, quod ad hanc filius pa-
trem duxerat. Quid jam mirum, si mi-
ra alia quām plurima patravit Audoma-
rus, si radiare è ligno crucem, si exsur-
gere è lectulis ægros, è vinculis capti-
vos jussit? Nos duo tantum scribemus,
quorum pueri unum, alterum bis pueri
senes legant. Episcopus jam Morinensis
adolescenti interdixerat, ne cymbâ in a-
quis luderet. Risit ille, & lusit. Sed in-
obsequentem venti fluctusque in altum,
inde è Galliâ in Saxoniam usque ejece-
runt, & ut contra immorigerum con-
jurasse cum aquis terram agnosceret, la-
tronies in littore venientem præstolabantur.
Quid ageret sine velis, sine remis
puer nauta? Nempe remi preces, vela di-
vi apud Deum Audomari merita fuerunt.
His ille in patrium portum invectus,

nau-